

BeritaMediacorp, Monday, 13 August 2018

<https://berita.mediacorp.sg/mobilem/singapore/ntu-terima-sumbangan-s-22-juta-bantu-pelajar-lanjutkan-pengajian/4102070.html>



NTU terima sumbangan S\$22 juta bantu pelajar lanjutkan pengajian perubatan

13/8/2018 23:46



SINGAPURA: Universiti Teknologi Nanyang (NTU) menerima sumbangan S\$22 juta untuk membentuk dana endowmen bagi para pelajar melanjutkan pengajian dalam bidang perubatan dan kajian dalam jagaan kesihatan.

Sepuluh peratus sumbangan itu datang daripada harta pusaka Irene Tan Liang Kheng. Ia merupakan jumlah terbesar oleh seorang penderma persendirian.

Setiap dolar sumbangannya itu dipadankan oleh pemerintah, menjadikan nilai keseluruhan S\$22 juta.

Demi mengiktiraf sumbangan tersebut, Presiden NTU Profesor Subra Suresh merasmikan Auditorium Ong Tiong Tat dan Irene Tan Liang Kheng di kampus Novena NTU, sempena nama pasangan dermawan itu.

Dana tersebut akan menyokong usaha-usaha NTU dalam memastikan para pelajar Singapura yang layak dapat melanjutkan pelajaran dalam bidang perubatan, meskipun menghadapi kesulitan kewangan.

Dana itu juga akan membiayai dua pengajian professor mengenai penyakit-penyakit seperti kencing manis dan kesihatan mental serta kajian bagi meningkatkan jagaan kesihatan yang bermutu untuk penduduk.